

漏均養之仁，伏望與彼宿禰之族，同預改姓之例，於是賜姓宿禰。

〔日本後紀二十一〕弘仁四年正月庚午，左京人從八位下竹田臣門繼等六人，賜姓清岑宿禰。

〔續日本後紀四〕承和二年三月癸丑，右京人近江少目從七位下伊蘇志臣廣成，大和國人正六位上

同姓人麻呂，○中賜姓紀宿禰。

〔續日本後紀四〕承和二年九月乙巳，右京人散位宇自可臣良宗，賜姓春庭宿禰，彥狹島命之苗裔也。

〔文德實錄四〕仁壽二年二月乙巳，參議正四位下兼行宮內卿相模守滋野朝臣貞主卒，貞主者，右京人

也，曾祖父大學頭兼博士正五位下檜原東人，○中賜姓伊蘇志臣，父尾張守從五位上家譯，延曆年中

賜姓滋野宿禰。

〔三代實錄七〕貞觀五年九月五日甲午，右京人散位外從五位下多臣自然麻呂，賜姓宿禰。

〔三代實錄七〕貞觀五年九月十日己亥，播磨國飾磨郡播磨博士大初位上和邇部臣宅繼，賜姓邇宗

宿禰，自言天帶彥國押人命之後也。

〔三代實錄七〕貞觀五年九月十五日甲辰，右京人主計少允正六位上真野臣永德，姪男真野臣道緒

等，賜姓宿禰。

〔三代實錄九〕貞觀六年八月八日壬戌，播磨國飾磨郡人播磨權醫師正八位上和邇部臣宅貞，式部

少錄從八位上和邇部臣宅守等，賜姓邇宗宿禰。

〔日本書紀二十九〕十三年十二月己卯，大伴連佐伯連阿曇連忌部連尾張連倉連，中臣酒人連，土師連，

掃部連，境部連，櫻井田部連，伊福部連，巫部連，忍壁連，草壁連，三宅連，兒部連，手織連，丹比連，鞞丹比連，

漆部連，大湯人連，若湯人連，弓削連，神服部連，額田部連，津守連，縣犬養連，稚犬養連，玉祖連，新田部連，

倭文連，倭文，此云之頭，於利云。水連，凡海連，山部連，矢集連，狹井連，爪工連，阿刀連，茨田連，田目連，小子部連，菟道連，

猪使連，海犬養連，間人連，春米連，美濃連，諸會臣，布留連，五十氏，賜姓曰宿禰。